





[Der Stad Leipziger
allerley Ordninge]



PK
70

3 4.
Neue Zeitung des Kri:
egs/ vnd Zugs zwischen Rhö. Kayserlich-
er Mt. vnd dem König zu Franckreich/
von Camerbrey auß/ mit Herz Jorg von
Regenspürgs Regimentt/ auff das
Landt Lucelbürg/ Lüttringen/
vnd Franckreich
im.

15 44



Gedruckt im 15 45. Jar.

DECTE SCHEINUNG DER REISE
das und alle hiesigen Städte und
Orter sind dem König in Brandenburg
von Brandenburg mit dem Herzog von
Sachsen und dem Kurfürsten von
Sachsen in gemeinsamer Hand
und gemeinsamer Verwaltung
und gemeinsamer Verwaltung
in gemeinsamer Verwaltung
und gemeinsamer Verwaltung

12 44



Gedruckt in der Stadt



Der Anzug.

Item den 12 tag May zugen wir von Cambren hin
weck auff das Landt Luzelburg zu/ vnd kamen den 23
tag May gen Soluert/ ist ein schloß Kayserlich Mt. zu
gehörig/ da kam Graff Wilhelm von Fürstenberg mit
seinem Regimentt zu vns/ der het 20 Fendlein teutscher
Knecht/ meer 25 fendlein Spanier/ vnd bey 3000 ge-
rüster Niderlendischer pferdt/ vñ am 26 tag May/ ruck-
ten wir mit dem hauffen für die Stat Luzelburg/ die het
der Frankoz mit 4 Fendlein Frankosischen besetzt vnd
inn der Stadt gelassen bey 60 stuck Büchsen auff redern
also belegert man die Stat an geschütz/ Vnd die wehl
sie inn der Stadt kein rettung westen noch hofften/ auch
kein Profandt meer hetten/ ward sprach mit in gehalten
Frentag nach Pfingsten/ sie wolten die Stadt verlassen
mit sambt dem geschütze also auffgaben/ An gemelten
frentag frü zugen die Frankozen auß der Stat hinweck
auff Tausent sechs Hundert starck vnd mit Vier auf-
gerichtten Fendlein/ wurdt inen das anmüg Fendlein ge-
numen/ Also zugen sie mit den 3 Fendlein daruon/ die
belandt man mit etlichen Kayssigen bis in Luttringen/
also nam Vicerce de Cecilia/ Kō. Kayserliche Mayes-
tat oberster Velthaubman die Stadt ein/ vnd besetzt die
Stat mit zwen Fendlein Landtvolck/ vnd die Frankozen
haben grossen muetwillen in der Stat getriben alle heü

ser verwüst vnd zerbrochen/vnd in 12 tagen mer schade
gethon/dan die zeit die wens der frankos innen gehabt
hat/das Puluer vergraben vnd vermauret/das man
hernach etlich thurnen gefunden hat/vnd das geschütz dz
man in der Stat gefunden hat/das hat man alles gen
Diettenhoffen gefürt/vnd in der zeit kamen 10 Fendlein
Niderlendischer Knecht zu vns/meer bey 1000 gerüster
Pferdt/vnd am Sontag der Triueltigkheit/zugen wir
mit dem ganzen hauffen auff das Herzogthumb Lüt-
tringen zu/vnd kamen zu einem grossen Schloß vnd
offen Flecken mit namen Maldorff/des Herz war bey
dem Frankosen mit etlichen Pferden/also nam man
den flecken vñ das schloß ein vnd besetzt es mit Span-
nier/vñ zugen wider auff ein stetlein vnd schloß mit na-
men Cammarse ist des Herzog von luttringen gewest
aber der Frankos het ins ein genommen/wan er ein gut
ten Paß auß Frankreich ins landt Lützelburg het/der
profant halben/dann es ein gut Trant landt ist/vnd am
13 tag Junij kamen die spanier darfür/vnd wir mit dem
Teutschen regimentten/Am 14 dito auch darfür/mit et-
lichen Maurenprecherin vnd Beldtgeschütz also pren-
ten die Feindt das stetlein auß/vnd flohen in das vest
schloß/darinen bey 200 starck gewesen sein/vñ 4 falck-
netlein gehabt/vnd vil profant/das schloß an einem ort
in der Stat ligt/vnd dz wasser die Maß am schloß hin
fleust/also hub man an züschiessen/wan das schloß ein
starcken Thurn in der mitten het/vnd thet bey 80 schüß

darein/da fiel der thurn ein/ vnd verfiel inen die profant
im Schloß/ also hielten sie sprach/ vñ gaben das schloß
an S. Veits tag auff/ da ließ man sie mit vngewerter
handt abziehen/ vnd Etlich behielt man gefencklich/ vnd
darnach legt man feur in das schloß/ das auß zu pren-
nen/ hetten sie etlich puluer vermaurt das ging an/ aber
keinen schaden gethon/ dz feur balt erlasch/ also besetzt
man das schloß auch/ vñ am Montag nach S. Veits
tag/ zugen wir vom stetlein ab/ ein halbe Meyl vom stet-
lein/ da schlug der ganz hauff das leger an die maß/ vñ
den 19 tag Junij kam herz Cunradt vñ Pamelberg mit
10 fendlein wolgerüster Knecht zu vns/ vnd an S. Jo-
hannes des tauffers abendt/ zügen wir mit dem ganzē
hauffen auf ein stat hanst Lingny. vnd an S. Johanes
tag omb mittag kamen wir darfür/ die stat ligt in einem
Thal zwischen Bergen/ also das man mit einem hackē
vom berg in die stat schießn kan/ die inder stat mit einem
gefütterten wasser graben/ vñ mit starcken Mauern vñ
Polwerck wol versehen/ vñnd zimlich geschütz darinen/
vnd ander Kriegs rüstung/ mit Talianer vñ Tassgani-
er wol besetzt/ die vorstat mit einer schlechten Mauern
vnd aufgeworffen graben/ in vnserm anzug habē sie die
vorstat außprent/ die stat ist dreier Brüder gewesen/ die
haben sie auß freyem willen dem Frankosen vnderge-
ben/ sein vor Luttringisch gewesen/ vñ am tag Johannis
omb mittag schantz man auf den berg/ vñ schlug dz le-
ger darfür/ fing man zimlich an zu schießen/ vñ die spa-

nier namen die vorstat ein/ vnd prachten etliche Stuck
hinein/ thetten die in der stat zimlich schaden mit dem ge-
schütz heraus/ die Graffen des die Stat war/ perschön-
lich darinnen warn/ mit men sprach gehalten/ sie die aber
nit wolten auf geben/ Also fing man an auß 3 schanzen
zūschiffen/ am 27 tag Junij/ inen die Weer zunemen/
vnd an sandt Peter vnd Paulus tag/ war der sturm ver-
ordnet/ 5 Fendlein teutscher knecht/ vnd vnder allen Teut-
schen Regimenten/ von einer hlichen Kot ein Knecht/
mit sambt 5 Fendlein spanier/ vnd stunden in der ordnūg
den sturm an zulauffen/ in dem begerten die in der Stat
genadt/ wurden die Graffen vñ die pesten in der stat zim
obersten Beldthaubtmā gefürt/ in dem vielen die spanier
vñ Teutschen knecht in die stad/ plünderten die stat/ etlich
guet peut gewonnen/ was für Feindt in der stat waren/ et-
lich erwürgt/ etlich gefangen genumen/ die stat mitt pro-
fandt vnd ander Kriegs Rüstung/ auff ein halb Jar wol
verseen gewesen/ het sorg gehabt wo sie die stat nit auffgebē
hetten/ man het vil Volcks am Sturm daruor verliern
müssen/ ee mans gewonnen het/ also besetzt man das stete-
lein/ mit des Hanbtmans Bernharts Brechenssen von
Augsburg Fendlein/ vnd mittwoch nach perter vñ pauli
zugen wir mit dem ganzen hauffen auff ein stetelein mit
namen Sandesyr/ ligt an der grenzen Frankreich/ ligt
in einem ebenen felt/ ist seer vest vnd starck woll besetzt mit
volck vnd versorgt mit profandt/ auch bez 14 stücken auff
Redern/ aber wenig Puluer/ vnd Montag nach sandt

Ulrichs tag/ balergertten wir die Stat/ den 10 tag Julij.
sing man an zu schiessen/ vnd an S. Margrethen tag
kam die Keyserliche M. mit samb 10 Fendlein teutscher
Knecht/ die Herz Cunradt von Bamelberg zu gehören/ vñ
8 Fendlein Niderlender/ die dem Prinzen von Oransa
zu gehören/ 11 Fendlein frisch spanier/ des Rō. Königs
Sun mit 500 Pferden/ die Kayserlich M. het sein hoff/
gesindt auch bey 500 Pferdten/ wol gerüst/ vñnd Herzog
Moriz von Sachsen/ der het bey 1200 pferdten/ Mark
graff Albrech von Brandenburg der het bey 800 woge
rüster pferdt/ zu vnns inns Leger/ Montag nach Mar
grethe/ ward der Prinz von Oransa auß der stadt in ein
Achsell geschossen/ den nechsten tag darnach gestorben/
Gott der seel genade/ wir in dem zimlich vil Knecht vñnd
Spanier verlurn/ die den peudten nach luffen/ vñnd Cri
tag nach Margrethe/ war ein sturm verordnet/ die span
nier mit sambt Herz Jorg von Regenspurgs Regiment
aber die stat noch mit zum sturm geschossen/ den spanier
sach nach stürmen war/ vñnd den sturm anlauffen/ Herz
Jorg von Regenspurgs Regiment den sturm mit den
spaniern an musten lauffen/ vbel empfangen/ wan die in
der Stat mit werffen schiffen grossen schaden gethon/ der
sturm bey zwo in dritthalbe stundt gewert hat/ am sturm
wider abzogen bey 500 Spanier erschossen vñnd besche
digt warden/ die pesten Hern von den spanier/ vñnd vnder
Herz Jorg von Kengenspurg Regiment/ alle Haupt
leut vñnd Bendrich beschedigt/ zwen Haupteut vñnd ein

Vendrich erschossen mit namen Eytel Friderich von
hohen zolnern/ Ludwig vñ Cordowill/ Thoman Kige-
lein vendrich/ Got gnadt jr aller seel/ auch ob 300 knecht
vnder solchem regimendt erschossen vnd beschedigt sein
worden/ es sein etlich Franzosen auß der stat in graben
kamen die todten in graben zu plündern/ etlich gefangē
zu Kaiserlicher Mayestat gefürt/ die bekent haben wie
jr oberster in der Stat/ der auch ein oberster zu Lander/
sich ist gewesen/ mit sambt 4 mechtig Hern vñ vil volcks
erschossen sey worden/ auch sie noch ob 3000 starck in der
stat sein/ vnd kam kundtschafft/ wie der Franzos mit et-
lichem volck kam/ also war Graff Wilhelm mit 10 fend-
lein Teutscher knecht auff/ vñ 6 fendlein spanier/ hertzog
Moritz von Saschen/ auch Marckgraff Albrecht von
Brandenburg mit irem Kaisigen zeug/ mit 4 quartier
Schlenlein vnd der herz von Natruß wart mit seinem
Regiment hinnach geschickt/ vnd kam an die Feyndt
die gaben die flucht/ etlich in einen Kirchen thurn/ vnd
etlich in ein schöns Stetlein vnd in das schloß mit na-
men Wittrich/ also werten sie sich an beyden ortten/ vnd
wurt der kirchhoff gewonnen/ auch dz stetlein vñ schloß/
vnd bey 1200 erstochen keinen gefangen genumen/ inen
5 Fendlein zu Fuß/ vnd 2 Fendlein zu Ross genumen/
auch bey 12 Bass mit puluer/ das stetlein Wittrich mit
sambt dem schloß außgeprent/ wann sie da lagen vnd
vns die profandt nider worffen/ vnd Graff Wilhelm in
hals geschossen war/ die gewunē fendlein auf die schatz

für Sändesyr gesteck/da die in der Stat solchs gesehen
sie sprach gehalten/ vñ die stat auf zugeben/ doch sie mit
C gewerter handt/ vnd hab vñ gut abziehen zu lassen/ dz
man nit hat wöllen thou/ auch die stat nach dem schis
sen vil stercker war/ dann darvor/ was man bey dem tag
schuß/ das machten sie bey der nacht wider/ vñ stercker
dan vor/ wañ sie offit heraus sielen vnd Roete pinden an
hetten/ vnd vns knecht hinein singen/ vnd vil arms solck
rauß sielen vnd an zangten/ das sie grossen mangel an
Puluer hetten/ vnd geb dem arm gesint vil zu arbeytten/
vnd wenig zu essen/ also schuß man darnach wenig in di
Stat/ dann man hub an etlichen ortten die Mauern vñ
den Wall an zu vndergraben/ vnd zu sprengen/ vnd am
Freitag nach S. Anna tag/ den ersten Augusti frue ein
stundt Vormittag/ wie die Wach wolt abziehen/ kamen
etliche Französische Reütter/ vñ füret ein ylicher
ein Secklein puluer bey 10 in 12 pfundt schwer/ vermain
ten in die stat zu kumen/ vnd machten/ den Niderlendisch
en knechten einen Lerman/ aber sie wurden abtriben/ vñ
kamen jr bey 12 in die Stat mit sambt dem Puluer/ die
andern entritten/ den eylt man nach/ aber sie entritten/
dan das man inen etlich secklein mit puluer an der flucht
ab eylet/ die sie fallen ließen/ vnd am Suintag nach petri
ketten feyer/ hetten etlich Metzker/ das Viech nachent zu
der Stat auff die Wandt triben/ siellen sie heraus/ vnd
prachten bey 40 stuck Viechs in die stat/ auch die Kayser
lich M. im Landt ließ omb strayffen/ etlich schlösser vnd

W

stetlein ließ einnehmen vnd verprennen/ da sich die frantz
offen innen enthielten vnd vns die profant nider worffen/
vñ nach dem vnd vil sprach mit den von Sandesyr gehalten
war worden/ vñ an sandt lorenzzen abentz zwo stunt
vor Nachts/ wardt der vertrag mit der Stadt gemacht
Als nemlich wie der König von Franckreich in achtta ge
nit kein vñnd die stat entsetzt/ oder vñns auß dem Veldt
schlög/ so wolten sie die stat in Kayserliche M. gewaldt
auff geben/ mit der vnderchandt/ das man si mit gewer
ter handt ab ließ ziehen/ vnd mit 2 stück Püchsen/ solchs
wardt inen zu gesagt/ doch das sie inn solcher zent/ in der
Stat nichts verrucken noch parwen sollen/ vnd an sandt
Lorenzen tag/ fürt man das geschütz vñnd allen sturm
zeug wider auß der schantz/ vnd am Montag nach lorenz
zzen kam Cristoff vñ Landenburg mit 6 fendlein teutscher
Knecht auch zu vñns/ vnd Sontag nach Lorenzi/ zwo
stund auf den tag/ zügen die Feindt auß der stat/ da stum
den Khö. Kayserliche May. Kriegs Volck/ ein netliches
Regiment besonder in der schlacht ordnüg/ went von ein
ander/ wañ ein schönes wendtes Veldt war/ auch aller
Kayssiger zeug/ ein netlicher Herz mit seinen geschwader
Keritter auch allein / vnd die Khö. Kay. M. mit seinem
Hoffgesindt / auff einen Hackenschuß darnon da die
Französischen für musten ziehen/ das sein Kay. Mt.
die Feindt woll mocht sehen/ in dem zügen sie auß der
stadt/ zum ersten zwen Fendlein/ darnach der Troß der
auff 1000 in 1100 starck gewest/ am maystententl Weybs

perschon / vnd vil franecker vnd verwunter Frankosen /
vnd 2 stücklein Püchsen / an einem 3 Pferdt zugen / die
Kayslerlich Mt. inen pferdt vnd Wagen gelihen hat dar
mit sie wegf sein kumen / darnach 4 Fendlein mit einan
der dar vnder bey 80 in Gelben röcken / all schefflin getra
gen / das Paryßer Edelleut sein gewest / darnach wider
ein Fendlein allein / darnach wider eins allein / also das
8 Fendlein zu Fuß sein gewest / all weysz Binden an den
helsen gehabt / darnach jr Oberster in einem vergülten
Küresz / ein vergults Helmlin auff seinem Haupt / dem
hat man vier Fannen zu Ross nach gefürt / vñ vil feiner
alter Menner all in schwarz geklait / vnd weysz Binden
an den helsen gehabt / also das sie bey 70 pferden gehabt
haben / die Stadt mit sambt dem geschütz vñnd profande
verlassen / die hat Kayslerliche Mt. belantzen lassen / mit
etlichen Reüttern vñnd spanischen Hackenschützen / die
Kayslerlich Mt. hat die stat mit vier Fendlein Spanier
besetzt darinen bey 14 stück püchsen gefunden / nit sunders
groß / aber kein Puluer / vil Trants vñ Saltz / kein Müll /
sie in der Stat gehabt / auch nyemandt von der Bürger
schafft darinen gewest / die Feyndt am ausziehen auß der
Stat ob drey Thausent starck gewesen / dar vnder bey 900
hackenschützen / vnd sie anzangt / das sie bey achthundert
in der stat verlorn haben / die stat nit groß ist / aber vest / in
nen gerings an der Mauern / mit einem starcken Wall
vnd aussen mit starcken Polwercken von Wasen / wo sie
Puluer vñnd Müllwerck gehabt hetten / het man inen so

leicht keinen abbruch können thun/ sonder vil volcks dar
vor verlieren müssen/ als die Feindt am auß zug sein ge
wesen/ da sein die Franzosischen frue für ein stadt hanß
Barr kumen/ vermeynten die ab zu rennen/ wann Herz
Zorg von Bolham mit etlichen Fendlein dar innen lag/
aber die Wach solchs zu bald innen ist worden/ sie wider
abtriben/ doch zu beden sentten Volck verlorn/ vnd mon
tag nach Kochius/ fing die Kayserliche Mt. an die stat/
mit Profandt/ Puluer vnd ander zeug zum Krieg meer
gehörig nach aller notturfft auff lange zeit zu versetzen/
dan er mehr dann bey Bierzig Zentner darein ließ für
musten die vier Fendlen spanier wider her auß/ vnd legt
Herz Bernharts von Schanburg vier fendlein darein/
vnd die oberigen zwey Fendlen die er noch het/ die legt
man gen Ligny/ vnd kam des Bernharts Brechens
Fendlein/ wider zu vns/ Montag nach Bartholomey/
zugen wir mit dem ganzen Hauffen hinweg/ wie woll
Graff Wilhelm von Fürstenberg mit seinem Regymēt
vnd Herzog Moritz von Sachsen mit seinen Keuttern/
vnd etlichen Niederlendischen Keuttern/ vnd etlichem ge
schütz/ mit bey vns waren/ sunder vmb Barr/ wann ein
Franzosischer Oberster mit namen Monsfor de Guß
mit seinem Hauffen auff Barr zuzogen war/ vnd wir
kamen am Eritag gen Wittrich/ das Graff Wilhelm
auß gepredt hat/ mit Achzig Schiffprucken/ vnd syben
vnd zwainzig Mauer precherin/ vnd bey 36 stücken velt
geschütz vil Kugel vnd puluer/ also das wir ein grossen

Troß gehabt / vnd ob 3500 Wegen / bey dem Stetlein
ein paß war / darüber ein Brucken gemacht war vnd ein
enger Weg auff Schalou zu / Am Donnerstag zugen
wir mit dem hauffen vber die Brucken auf Schalou / ein
Meyll von Wittrich / schlug man das Leger / am frentag
kam Graff Wilhelm mit seinem Regymment Knecht / vñ
Herzog Moritz vñ Sachsen mit seinen Keuttern auch
wider zu vns / vnd an gemeltem frentag kam des Königs
von Franckreichs Oberster Cankler mit sambt etlichen
Frankzösischen Herrn inns Leger / die ließ die Römisch
Kayslerlich Mt. mit etlichen Spannischen Herrn vnd
Hacken schützen all zu Fuß / wol vnd auffß schönst ge-
püßt / vñ mit einem Keyssigen zeug belaytten / kam Biße
Kon de Cecilia Rhö. Kayslerlich Mt. Oberster Veldts
hauptman / vnd Kayslerliche Manestat. Kethe / auch des
Königs von Franckreichs Pottschaftt in ein Kirchen zus-
samen / vnd auff zwo stundt bey einander gewesen / wider
ein nlicher an sein gewarsam geriten / ist die sag gewest /
das des Frankzosen Pottschaftt / an Kayslerliche Mt. be-
gert / sein Manestat nit wenter in Franckreich zuziehen /
sunder denn vertrag daselbst an zünemen / aber Kaysler-
liche Mt. solchs nicht bewilligen hat wöllen / sunder alle
tag wenter zogen / vñ sonntag nach Bartholomei kamen
wir für Schalou / war ein schöner tag / machten wir ein
schlacht ordnung / das vns die in der stadt wol mochten
sehen / sielen sie heraus / vnd scharmützelten mit den vn-
fern vnd schussen auß der Stat zu den vnfern / aber kein

nen schaden gethon/ dan das die vnsern etlich gefangen
brachten/ den andern tag Septembris zogen wir weiter
hinder die stat auff Paryß zu/ vnd omb mitte nacht wa-
ren wir in der still auff/ vnd zogen die nacht/ vnd gegen
dem tag kamen wir das wir die Feyndt mochten sehen/
also macht man ein rechte ordnüg/ des wardē die feindt
innen/ vnd machten auch ir schlacht ordnung/ wie wol
das Wasser zwischen vnns war/ das von Schalon gen
Paryß fleust/ vñ wir kundten nit ober Brucken/ auch den
selben tag wart Graff Wilhelm frū von den Frankosß
en gefangen/ Also zog man fort/ vnd kamen zu einem
Stetlein mit namen Namor/ het der Frankosß sein Co-
mission vnd Prasandt hauß da selbst/ die Knecht vnd
Spanier haben das stetlein geplündert/ zymlich Peudt
ober kumen vill Frankösischer gefangen/ darunder ein
en mechtigen herin den von der Weyssen Rosen genant
wie die Niderlendischen Knecht sie nit wol gehalten/ sun-
der den Spaniern vnd den Teutschen knechten/ etlichen
ire peut wider genumen vnd sie geplündert/ darauß ein
vnradt erstanten solt sein/ auch vil feiner kleiner stetlein/
vñ Dörffer/ vnder wegen sein gewesen/ die man geplün-
dert vnd etlich verprent hat/ darinen man vil Trant vnd
Wein gefunden hat/ vnd am Sambstag denn sechsten
Septembris/ Pliciß vnd schug man im ganken Leger
omb das man dem Landt keinen schaden meer solt thun/
wan ime grossen schaden mit prandt gethon hat/ vnd
am sontag kamen wir gen Scheektier/ ist ein feine stadt/

nederman darauß geflohen/die Stat etlicher massen ge-
plündert/vil Trant Wein vñ Leynwat dar in gefunden
ist von Schalou her/ein enger Weg/ also das der Hauff
zwischen den Bergen vnd dem Wasser/ woll zwo vñ in
die drit Meyl lanngt nach ein annder musten ligen/ wir
auch bisß zymlich Volck verlorn haben/die nach peudten
vñ sich versambt hetten/ Also nam die Kayserliche Mt.
wider den weg auß Franckreich/ kamen etlich Frankös-
sisch Schantzgraber zu vns/ die alle wensse Creutz an-
trugen/ dan Kotte vnd wensse Creutz giengen alle durch
ein ander vnd warn gut Freunt/ die halffen/damit man
das Geschütz herauß pracht dann ein naß Wetter an
viel/ Also zugen wir mit dem ganzen Hauffen auff sas-
sen/ auff Sandt Quintin/ darnach auff Ratte Kamer-
sy/ vnd den vier vnd zwainzigisten tag Septembris/dem
ganzen Hauffen/ Brlaubt/ gemustert vnd Bezalt.

Laus Deo.

Steffan Hamer zu Nürnberg
auff der Schmelzhütten.



15 45.

[Ne. 123 v. 100]

Handwritten text in a Gothic script, likely a medieval manuscript. The text is arranged in approximately 20 lines, though it is significantly faded and difficult to decipher. It appears to be a formal document or a page from a legal or ecclesiastical text.

Handwritten text, possibly a signature or a specific heading, located below the main block of text. It is also in Gothic script and appears to be a formal declaration or a specific instruction.



24 21



Pom Nyc 5247

ULB Halle 3
004 974 859



TA → OL f







B.I.G.

Farbkarte #13

3 4.
Zwey Beyttung des Kri:
und Zugs zwischen Rhö. Kayserlich:
t. vnnnd dem König zu Franchreich/
Camerbrey auß/ mit Herz Jorg von
egenspürgs Regimentt/ auff das
Landt Lucelbürg/ Lüttringen/
vnnnd Franchreich
im.

15 44



Gedruckt im 15 45. Jar.

